

Općinska Služba za boračko-invalidsku zaštitu kao prvostepeni organ vrši poslove na zaštiti i rješava o

## ODGOVORNO LICE



**Džemail POPOVIĆ** MOĆNIK GRADONAČELNIKA  
Tel. 038/221-002 email: biz@gorazde.ba

pravima pripadnika boračkih populacija. Osnovna prava ovih populacija regulisana su Federalnim zakonima i to: Zakon o pravima boraca i članova njihovih porodica, Zakon o dobitnicima najvećih ratnih priznanja, Zakon o demobilisanim borcima, preuzeti Zakon o osnovnim pravima vojnih invalida i porodica palih boraca, Zakon o zaštiti pripadnika NOR-a, Zakon o nosiocima partizanske spomenice i Zakon o dopunskim pravima boraca i članova njihovih porodica u BPKa- Goražde.

Osnovna prava propisana ovim zakonima su:

- Porodična invalidnina i uvećana porodična invalidnina;
- Lična invalidnina, ortopedski dodatak i njega i pomoć drugog lica;
- Novčani dodatak dobitnika najvećih ratnih priznanja - odlikovanja;
- Osnovno obezbjeđenje demobilisanih boraca;
- Zdravstvena zaštita;
- Pomoć u slučaju smrti;
- Banjsko-klimatsko liječenje;
- Povlaštena vožnja;

Pored ostvarivanja osnovnih prava u Službi za boračko-invalidsku zaštitu ostvaruju se prava na jednokratne novčane pomoći, pomoći u liječenju i nabavci lijekova po Odluci Općinskog vijeća, izdaju se uvjerenja o visini primanja, vrši se pružanje pravne pomoći za rješavanje socijalno-statusnih pitanja boračkih populacija, obrađuje dokumentacija za dodjelu kredita putem banaka, vrše obustave i pružaju druge vrste pomoći ovim populacijama u rješavanju socijalno-statusnih pitanja.

□□

**NADLEŽNOSTI:**

- Izvršava i osigurava izvršavanje zakona i drugih propisa u oblasti boračko-invalidske i socijalne zaštite;
- Sprovodi utvrđenu politiku u oblastima za koje je osnovana;
- Vršiti izradu nacrtu podzakonskih akata iz nadležnosti Službe;
- Pruža zaštitu i ostvarivanje prava boraca, vojnih invalida i porodica poginulih boraca;
- Rješava u prvom stepenu zahtjeve za ostvarivanje prava iz boračko-invalidske i socijalne zaštite u skladu sa Federalnim i Kantonalnim zakonima;
- Provodi aktivnosti koje se odnose na pružanje i ostvarivanje prava i rješavanje socijalno statusnih pitanja lica iz reda boračkih populacija i lica koja su u stanju socijalne potrebe;
- Provodi postupak i donosi rješenja u upravnim stvarima i poduzima upravne i druge mjere u oblasti boračko-invalidske zaštite;
- Predlaže novčana sredstva u Budžetu Općine za boračke populacije i sufinansiranje rada udruženja boračkih populacija i socijalna pitanja;
- Prati stanje, vodi statistiku i drugu odgovarajuću evidenciju iz oblasti boračko-invalidske zaštite;
- Vodi knjigovodstvo i vrši obračun priznatih prava korisnika boračko-invalidske zaštite;
- Vršiti stručne i administrativne poslove za komisiju za ocjenjivanje vojnog invaliditeta i ocjene radne sposobnosti korisnika, Federalnog i Kantonalnog Ministarstva za boračka pitanja i druga radna tijela Općinskog vijeća i općinskog načelnika;
- Dostavlja izvještaje, informacije i analize Federalnom i Kantonalnom ministarstvu za boračka pitanja, Općinskom vijeću i općinskom načelniku;
- Vršiti saradnju sa vojnim i civilnim strukturama radi racionalnijeg i efikasnijeg obavljanja poslova iz svoje nadležnosti;
- Vršiti saradnju i koordinaciju sa mjesnim zajednicama i udruženjima u cilju rješavanja socijalno-statusnih pitanja korisnika boračko-invalidske i socijalne zaštite;
- Obavlja i druge poslove i zadatke koji su joj dati u nadležnost propisima Federacije, Kantona i Općine.

## NAPOMENA:□

**Sve informacije vezane za rješavanje socijalno-statusnih pitanja vojnih invalida i članova njihovih porodica, članova porodica poginulih i umrlih boraca, demobilisanih boraca i članova njihovih porodica, dobitnika ratnih priznanja i odlikovanja i članova njihovih porodica mogu se dobiti u Općini Goražde – Služba za boračko-invalidsku zaštitu II sprat kancelarija broj: 40, 41 i 50.i u Centru za pružanje usluga građanima ili tel. br. 221-002 i 241-450 lokali 214, 215 i 228.**